

ALCUERDU DEL DIRECTOR XENERAL DE RADIOTELEVISIÓN DEL PRINCIPÁU D'ASTURIES SA UNIPERSONAL POL QUE S'APRUEBEN LES BASES DEL CONCURSU DE PODCAST DE FICCIÓN Y NON FICCIÓN DE RPA 2024

BASES

Estes bases tienen como finalidá regular el procedimientu pa la selección de les obres ganadores del concursu de podcast de ficción y non ficción en réxime de concurrencia competitiva, d'alcuertu colos principios d'oxetividá, tresparencia, igualdá y publicidá

1.- PARTICIPANTES

- Pueden participar les persones físiques que seyan autores d'una obra o trabayu que se correspuenda con estes modalidaes establecées:

- 1. Podcast de ficción**
- 2. Podcast de non ficción**

- Los participantes menores d'edá han presentar l'autorización del pá, ma o tutor llegal según el modelu que s'axunta como **Anexu I**

2.- PRESENTACIÓN

- Cada participante namás pue presentar una propuesta por categoría
- Les propuestas pueden presentase a títulu individual o bien conxuntamente cuando se trate d'un podcast coproducíu. Nos supuestos de coproducción ha presentase l'autorización de tolos coproductores pa participar nel concursu y nomase un representante según el modelu que s'axunta como **Anexu II**
- Los trabayos van poder presentase en castellanu, en asturianu o en gallego-asturianu o eonaviegu.
- Les temátiques son llibres, pero han tar rellacionaes con Asturias.
- Les obres han ser orixinales, inédites y nun pueden suponer en too o en parte una copia, plaxu, recreación o variación d'otres yá obres publicaes o d'otres persones.

El conteníu ha ser respetuosu colos principios de la llexislación vixente y colos principios y criterios de programación de los medios del Ente Públicu de Comunicación del Principáu d'Asturies, que se pueden examinar en <https://rtpa.es>, nel portal de tresporencia/información corporativa/normativa.

- Tanto'l podcast de ficción como'l podcast de non ficción han tener una duración d'ente 30 y 40 minutos. La música y efectos sonoros que s'usen han tener llicencia *Creative Commons* o cualquier otra llicencia de naturaleza análoga. Amás, el productu final que se presente ha poder divulgase baxo esi tipu de llicencies.

- Los participantes han presentar esta documentación pa dambes categoríes:

- Formulariu d'inscripción según modelu que s'axunta como **Anexu III**

- Autorización de los padres o tutores llegalos cuando'l participante seya menor d'edá según el modelu que s'axunta como **Anexu I**

- Copia del DNI del participante que se presente al concursu. Nel casu de participantes menores d'edá ha presentase tamién el DNI del pá, ma o tutor llegal

- Nel casu de coproducciones, l'autorización de tolos coproductores pa participar nel concursu y el nomamientu d'un representante según el modelu que s'axunta como **Anexu II**

- El proyectu completu, que tien qu'incluyir como mínimu: (i) l'archivu d'audio en formatu MP3 o WAV o asemeyáu, (ii) la sipnosis, (iii) el guión.

3.- FORMA Y PLAZU DE PRESENTACIÓN

Les propuestas han unviase a esti enllaz de rexistru <https://servicios.rtpa.es/concurso-podcast-ficcion-y-no-ficcion-rpa-2024/> primero del 31 de mayu del 2024.

4.- XURÁU

- El xuráu va nomalu RTPA y va tar integráu por estos miembros:

- Una presidencia que va ostentar don Carlos Fueyo García, coordinador de RPA
- Una secretaría con voz y votu que va ostentar doña Patricia Martínez Fernández, redactora de RPA y especialista en podcast
- VOCALES:
- Don Antonio Menéndez García, responsable de producción y emisiones de RPA

- Don David Fernández González, ganador del I Concurso de Podcast RPA na categoría de non ficción
 - Doña Lucía Herrera Cueva, directora d'Antena de TPA
- Les deliberaciones del xuráu van ser secretes y nun va establecese comunicación nenguna con nengún participante.

5.- CRITERIOS DEL XURÁU

- El xuráu va valorar la calidá del guión y la historia y sobre manera la orixinalidá, el valor artísticu y la vinculación de la obra cola realidá social y cultural del nuestru territoriu, amás de que l'equipu humanu tea compuestu por persones naturales, residentes o vinculaes profesionalmente col Principáu d'Asturies.

6.- PREMIOS

1.- Podcast de ficción

El premiu pal ganador del podcast de ficción va ser de **1.000 euros**.

Va poder establecese 1 accésit de 500 euros.

2.- Podcast de non ficción

El premiu pal ganador de podcast de non ficción va ser de **1.000 euros**.

Va poder establecese 1 accésit de 500 euros.

- El Xuráu va poder proponer otres obres o trabayos merecedores de mención especial.
- El premiu va poder declarase desiertu en cualquiera de les sos categorías.

7.- CESIÓN DE DERECHOS

- Los autores de los podcast premiaos (premios y accésit) ceden a RTPA los derechos d'esplotación de les obres, en concreto'l derechu de reproducción, comunicación pública y puesta a disposición del públicu de la obra, al traviés de toles modalidaes d'emisión o retresmisión al traviés de radiodifrencia, cable, ondas hertzianes, internet y pa la so recepción al traviés de tou tipu de dispositivos. La cesión de los derechos de puesta a disposición del públicu (disposición interactiva) abarca toles funcionalidaes existentes anguaño o que puedan existir nel futuru. El derechu de tresformación cédece namás cola mira de difusión de fragmentos y inclusión de

fórmules de promoción.

- Los derechos adquierense por RTPA pal ámbitu territorial del Principáu d'Asturies na comunicación pública de la obra al traviés de les canales de RPA. L'ámbitu d'autorización va ser universal nos derechos adquiríos por RTPA de puesta a disposición del públicu (disposición interactiva) al traviés d'internet.
- RTPA adquier los derechos d'esplotación descritos con calter esclusivu y hasta que pase a dominiu públicu.
- RTPA va poder facer la esplotación polos sos propios medios y va poder llicenciar a terceros los derechos concedíos cuando seya menester facer la esplotación al traviés de los medios y modalidaes autorizaes nesti apartáu.

8.- DATOS PERSONALES

- Tocante a la protección de les persones físicas en rellación col tratamientu de datos personales y a la circulación llibre d'estos datos, la organización, en cumplimentu de lo marcao na Llei Orgánica 3/2018, de 5 d'avientu, de Protección de Datos Personales y garantía de los derechos dixitales (BOE de 6 d'avientu del 2018), amás de nel Reglamentu (UE) 2016/679 del Parllamentu Européu y del Conseyu, de 27 d'abril del 2016, informa de:

Responsables: RTPA ye'l responsable del tratamientu de los datos que se faciliten por cuenta de la rellación que s'establez por participar nel concursu.

Finalidá: La finalidá va ser namás realizar les xestiónes precises rellacionaes cola participación nel concursu, el disfrute nel so casu del premiu que pueda corresponder y pa exercer los derechos d'esplotación de la obra premiada nos términos y condiciones establecíos nestes bases.

Cesión: Nun se van ceder datos a terceros nin se van facer tresferencies d'ellos a terceros países ensin el consentimientu espresu de los titulares de los datos, sacante que por interés llexítimu o obligación llegal haya que comunicalos a organismos públicos.

Derechos: Tienen derecho a solicitar del responsable del tratamientu l'accesu a los sos datos personales, la so rectificación o supresión o la limitación del so tratamientu, o a oponese al usu d'estos, amás d'a la portabilidá de los datos y a presentar reclamaciones énte l'Axencia Española de Protección de datos.

- El participante consiente espresamente, cola firma del formulariu de presentación al concursu, el tratamientu de los datos pa la finalidá indicada.

9.- OBLIGACIONES FISCALES

- Premios suxetos a la llexislación fiscal aplicable.

10.-LLEI Y XURISDICCION

Estes bases ríxense pola llexislación española. Pa toles duldes que puedan derivase de la interpretación d'esti documentu, les partes, con arrenunciu a cualquier otru fueru, sométense a los xulgaos y tribunales del Principáu d'Asturies

11.-ACEPTACIÓN DE LES BASES

La participación nesti concursu implica l'aceptación de toos y caún de los términos y condiciones incluyíos nestes bases. Van tar a disposición de cualquier interesáu na páxina Web <https://rtpa.es>

Nel casu d'existir duldes o discrepancies na interpretación d'estes bases, va prevalecer el criteriu de RTPA.

EL DIRECTOR XENERAL RTPA

Francisco González Orejas

ANEXU I: MODELU D'AUTORIZACIÓN PA LA PARTICIPACIÓN DE MENORES D'EDÁ NEL CONCURSU DE PODCAST DE FICCIÓN Y NON FICCIÓN DE RPA 2024.

Nome y apellíos del pá, ma, tutor o responsable llegal del menor

D./Dñacon DNI n.º....., teléfonu n.º.....y seños

Nome y apellíos del menor

..... con DNI n.º..... Fecha de nacimientu.....

AUTORICEN al so fíu/a o representáu a participar nel concursu de Podcast de ficción y non ficción de RPA 2024, del que declaren conocer y aceptar dafechu los términos y condiciones, amás de les condiciones de la participación del menor y les condiciones de cesión de los derechos d'esplotación de la obra, nel casu de resultar premiada, condiciones que declaren conocer y aceptar dafechu.

Estos términos y condiciones atópense disponibles pa consultar al traviés de les bases, na páxina web <https://rtpa.es>

Cola participación nel concursu declaren consentir espresamente'l tratamientu de los datos personales recoyíos pente medies d'esti documentu, amás de los del menor al que representa/en pa que pueda participar nel concursu, disfrutar nel so casu de los premios que pudieren corresponde-y, y pa que RTPA pueda exercer los derechos d'esplotación, nel casu de que la obra presentada resulte premiada, nos términos y condiciones establecíos nes bases del concursu.

Fmao.....

Fmao.....

ANEXU II: MODELU DE NOMAMIENTU DE REPRESENTANTE PA PARTICIPAR NEL CONCURSU

Nome y apellíos de los coproductores (han figurar tolos coproductores de la obra)

D./Dñacon DNI n.º....., teléfonu n.º.....y seños

(...)

MANIFIESTEN:

- 1.- Que son coproductores del podcast con título “.....”
- 2.- Que tán interesaos en participar nel concursu de podcast de ficción y non ficción convocáu por RTPA pal 2024.
- 3.- Que conocen y acepten dafechu les bases del concursu que s’alcuentren disponibles na páxina web <https://rtpa.es>
- 4.- Que designen a don, con DNI n.....pa presentar nel so nome'l podcast con título “.....” al concursu de podcast de ficción y non ficción convocáu por RTPA pal 2024 y facer los trámites rellacionaos cola participación nel concursu.

En, adel 2024

Fmao.....

Fmao.....

Fmao.....

Fmao.....

**ANEXU III
FORMULARIU D'INSCRIPCIÓN II CONCURSU DE PODCAST RPA**

TÍTULO DEL PROYECTU:

DURACIÓN:

| | |
|--|--|
| | |
|--|--|

DATOS DE LA PERSONA SOLICITANTE (persona física o xurídica)

| | |
|----------------------|------|
| NOME O RAZÓN SOCIAL: | NIF: |
|----------------------|------|

DATOS REPRESENTANTE

| Nome | Primer Apellíu | Segundu Apellíu |
|------|----------------|-----------------|
| | | |
| NIF: | En calidá de: | |

SEÑES PA UNVIAR NOTIFICACIONES

| | |
|---|---------------------|
| Señes: | |
| Conceyu, Códigu Postal y Provincia: | |
| N.º de teléfonu fixu: | N.º teléfonu móvil: |
| Corréu electrónicu: | |
| <u>Enllaz de descarga:</u> | |
| <u>DATOS DEL PODCAST</u> | |
| <i>MODALIDÁ PA LA QUE SE SOLICITA (marcar la modalidá que proceda)</i> | |
| Podcast de ficción | |
| Podcast de non ficción | |
| <u>LLINGUA</u> | |
| CASTELLANU | |
| ASTURIANU | |
| GALLEGO- ASTURIANU / EONAVIEGU | |

INFORMACIÓN BÁSICA sobre PROTECCIÓN DE DATOS DE CALTER PERSONAL

En cumplimientu de lo dispuesto na Llei Orgánica 3/2018, de 5 d'avientu, de Protección de Datos Personales y garantía de los derechos dixitales y del Reglamentu (UE) 2016/679, de 27 d'abril, infórmase sobre'l tratamientu de los datos de calter personal apurríos polos interesaos tanto na solicitú como na otra documentación esixío na convocatoria o derivao d'ello:

| | |
|-----------------------|---|
| Responsable | Radiotelevisión del Principáu d'Asturies SA Unipersonal. Camín de les Clarises, 263 33203 Xixón (Asturies) |
| Finalidá | Xestión y tramitación del procedimientu oxetu de la convocatoria y, al respective de los proyectos que llogren financiamientu, de la rellación contractual correspondiente. |
| Llexitimación | Consentimientu del interesáu, interés públicu y interés llexítimu. |
| Destinatarios | Nun se ceden datos a terceros, sacante obligación llegal. Van comunicase a Radiotelevisión del Principáu d'Asturies SA Unipersonal pa llevar a cabu los trámites necesarios nel desenvolvimientu de la convocatoria y, si ye'l casu, execución de los contratos. |
| Derechos | Los solicitantes tienen derechu a acceder, rectificar, oponese, suprimir los datos, limitar el so tratamientu o portabilidá bien per escrito a les señes del responsable del tratamientu o per corréu electrónicu a departamentojuridico@rtpa.es . Amás, pueden presentar reclamación énte l'Axencia Española de Protección de Datos en www.aepd.es |
| Información adicional | Pue consultase la información adicional detallada sobre la Política de Privacidá de RTPA na páxina web RTPA (http://www.rtpa.es). |

Cola firma d'esti documentu da'l so consentimientu pal tratamientu de los datos de calter personal según la información que se recueye

En _____ a ____ de _____ del 2024

Fmao. _____

Firma de la persona solicitante o representante llegal

